

一 國方志叢書·華中地方·第九四六號

據

清·童範儼等修，陳慶齡等纂
清同治九年刊本

影印

江 西 省

臨川縣志

(九)

成文出版社有限公司印行

中華民國七十八年三月臺一版

臨川縣志

全九冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二〇九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

臨川縣志卷五十一

藝文志

文徵

立說著書言各有當或闡幽光或標令望或談菜根
清微怡曠或號獲書權奇倜儻信而可徵烏容淪喪
載在篇章高風莫尙

宋真宗

晏融除殿中丞勅

元獻兄
字華叔

勅曰具官晏融三陟御史是爲耳目之官一臺紀綱實繫
朝廷之治矧茲言責之任以糾官邪爲功宜得俊髦克膺
高選以爾氣節剛毅趨操端方學術通於古今議論極其
堅正擢自贊善往副臺端爾其執憲度於殿中達視聽於

天下使玩令者懲殄而加肅犯義者媿悔而知非副朕以期爲爾稱職可依前贊善大夫加殿中丞

宋神宗 曾鞏中書舍人制

勅朕稽於古制董正百官皆使循名用圖實效惟舍人中書之屬典掌命令之司況在侍從之班尤兼論思之職方朕明紀綱定憲度以爲民極之助非能善於文章無以宣布上意非能通於世務何以黼黻皇猷厥任甚重得人爲難咨爾史館修撰曾鞏才思淵源議論該博史學見稱於士類忠誠簡在於朕心是用褒嘉擢爲選首其尙尊所學以善於訓詞克奮庸以補於政理使能稱乎厥職而朕預於知人往哉惟休以承新命可授中書舍人元豐五年月

日

宋神宗 曾肇集賢校理制

朕惟祖考成功盛德覆被天下固非文字可得名然史記冊書國家之典上以紀先帝言動之跡下以及羣臣善惡之實傳之萬世宜有論次具官曾肇以文學選用與成信書朕惟爾嘉是用褒進尙其祇朕以稱朕恩可授集賢校理

宋神宗 曾肇轉朝散郎制

勅士大夫有常秩者皆得以叙進至於近侍之列優以三歲之典非謂從官親近而私之也進用賢才理有常爾具官曾肇學術精博造詞甚工操履堅正遇事不苟比司國

史煥乎筆削之華進任掖垣確乎議論之正有司考績於法當遷稍陟崇階增重要職勉服寵光之厚益思報稱之宜可授朝散郎元豐五年月日

宋神宗 曾肇轉吏部郎中左選制

勅具官曾肇尙書政本失其分職之日久矣朕紀官以實而歸其常守故郎選甚高銓綜之司典領尤重爾以學行材請列職史筵宜進文階往祇厥叙朕方審覈幽明而公於黜陟尙思勉勵以敏事功可授吏部郎中元豐五年月日

宋哲宗 除吳居厚權戶部尙書勅

朕以天下經費領於地官非練習之久足用阜財而明於

邦計其孰能之哉朝奉大夫試戶部侍郎吳居厚夙著才望備知先朝積有事功超寘侍從前相秉國坐廢十年其黨既除復加甄叙贊司民部績用滋多朕命爾攝行大常伯之事爾務勤素志圖繼舊勲益終厥官無損令譽可除權戶部尙書紹聖二年五月十七日

宋哲宗 除吳居厚尙書右丞勅

執政大臣朕所慎考咨諧爾弼底於熙平肆頒渙恩用褒厥德戶部尙書吳居厚才周器博愼重老成服勤地官咸益邦賦瞻言嘉績簡在帝心庶言其同命爾于翼欲覲經邦之効進承綱轄之司疇陟崇階式昭優眷同心同德尙思繼於古人有猷有爲益勉攄於遠業往祇明命永孚於

休可特授大中大夫守尙書右丞

宋哲宗 吳居厚辭免右丞不允論

省卿劄具悉朕率時昭考以經天出治所與者惟二三股肱之良臣是選是信卿才高術正慮遠智周陟華躋要擢自神考出入陪侍望重一時躋登勿疑應克丁翼興言固避殊弗僉謀亟卽廼貳體朕眷倚不允辭中書省

宋哲宗 八月十五日又奉諭

朕丕承宣烈復遇舊臣思無替於始終禮當隆於體貌惟時雋舊申錫寵章資政學士正奉大夫統神祐觀使吳居厚器博而材周慮深而識敏遭逢景運浸邁遠圖首膺神考之知繼被奉常之眷厥聞彌卽賢勞懋宜肆予觀政之

初永言述事之孝擢參樞柄薦歷歲時曩繇保任之愆常
干彝慮茲念省循之久俾復崇階尙旣乃心祇稱朕命可
特授宣奉大夫

宋哲宗 吳居厚復資政勅

朕惟嚴父配天旣奉親祠之典赦過宥罪共推作解之恩
資政吳居厚擢預政機特更樞要頃因坐廢多年適復騰
諸薦牘序進官聯仍俾舊任勉圖報稱益務欽承政和三
年三月初六日知洪州節度事

宋哲宗 八月二十七日諭吳居厚

朕膺帝眷薦習嘉祥稽用舊文躬修太報緬懷耆德方寄
便藩宜起造朝相予肆事如期趨道毋故告勞故諭

原稿缺

原稿缺

吏議再渙汗恩頒分秘殿之清式彰眷注志遂江湖之逸閑散老臣宜還事朕專備藩垣體完大臣朕無間於遠邇始終一操汝弗怠於謀猷祇報朕命仁觀報政

宋哲宗

吳居厚辭免機柄及謝羣事不允論

覽疏具知卿懇辭柄任卿典司民部知無不爲輔政東臺贊襄是賴廼以小疾遽請郡麾求即安保豈朕所望宜專養嗇副朕倚毗勿更陳情

宋哲宗

又辭免恩命勅

覽奏辭免恩命具悉卿才識強敏以身任事先帝嘉尚厯觀已試之効特起廢斥之中進攝地官具有成績進遷官序式懋爾勞爵服仍照前旨不允辭

宋哲宗 曾肇轉中書舍人勅

勅朝廷以號令鼓四方言之不文行之不遠昔河西諸將讀璽書而知天子之聖明河北叛臣聞赦命而致武夫之涕泣故朕思得才良俾代予言知民物之至情識邦家之大體擇之久矣近乃得之具官曾肇少知爲文老益更事家傳父兄之學言有漢唐之風汗簡編年手抽金匱執筆紀事密侍丹墀比於簡牘之餘試以絲綸之作油然不竭煥乎可觀俾卽拜於西垣將益觀於來效雖文稱李杜足以爲賢而事同高崔庶幾適用勉於自竭以稱異恩可特授中書舍人元符三年月日

宋哲宗 曾布守尙書右僕射兼門下中書侍郎制

勅門下左右置相以總吾喉舌之司東西分臺以轉我鈐
衡之任居中如鼎足之峙承上若台符之聯相須而成開
一不可乃登次輔以告大庭具官曾布敏識造微懿文貫
道器周大小之用智適古今之宜被神考特達之知亟躋
禁從膺先朝倚注之重久執事樞而能悉心公家宣力夙
夜忠以事上誼不辭難憂勤百爲壯老一節肆朕纘臨之
始大加翼戴之功參稽師言圖任舊德文昌端揆之列紫
微陪侍之班合茲寵名作我近輔仍遷階秩增衍戶封於
戲朕有休息百姓之心汝則覲文而偃武朕有綜覈庶工
之志汝則務實而去華以至甄叙材良敦獎正直澄清風
俗振肅紀綱使萬物各得其平無一夫或失其所汝之職

也尙往欽哉可特授銀青光祿大夫守尙書左僕射兼門下中書侍郎元符三年月日

宋哲宗 曾肇轉翰林學士兼侍讀知制誥

勅左右侍從之官皆朕所訪問以獻納爲職者也惟翰林任親地密於夫經營庶務進退大臣未嘗不預咨詢非獨治翰墨典訓辭而已故特遇之寵不與他學士比其重如此非智能才諳拔出一時豈稱公選爾具官曾肇純明修潔秉誼不回學有本源可以圖治體文有師法可以代予言是用擢於右垣使就茲位今宇內嘉靖朝廷燕閒朕方明紀綱考制度以行之當世傳之將來夫能協爾衷以輔朕志論思政理以著之謀猷潤色斯文以見於號令待爾

有當官之效以副予顧俊之心其往懋哉以承厥敘可特授翰林學士兼侍讀知制誥元符三年月日

宋徽宗 曾布觀文殿大學士知潤州制

勅門下審去就之分者大臣之所以事道優進退之禮者人君之所以勸忠載加次輔之賢申錫便蕃之命顧內外之或異在體貌之維均誕布冊書式敷羣聽具官曾布畧識宏博性質聰明早發越於猷爲允踐履於事任從容應物有王佐之才慷慨立朝有仁者之勇被遇神考朝朔禁從之華見知泰陵密勿樞機之府肆朕纂承之始登于弼亮之司丕揚繼述之功尤賴將順之助遽攄誠悃祈解政機雖眷倚之彌嘉覽封章之屢至念其有守實亦重遷是

用峻秘殿之隆名鎮丹陽之便郡遂其休逸寵厥勤勞於
戲論道經邦居則儀刑於百辟承流宣化出則師帥於一
方往復渥恩乃心王室可特授觀文殿大學士知潤州崇
甯元年月日

宋高宗 曾統右諫議大夫制

勅官以諫議爲名蓋列侍從有言責者也事無巨細咸得
開陳當其可從則爲之更命令易取舍其所裨於君心爲
甚大矣朕方於天下之忠讜惟恐不聞則居是任者必直
道而無隱咨爾校書郎曾統器識強敏通達古今簡在朕
心俾司獻替夫能通上下之情而使朕立於無蔽之地治
道之所繇出爾必思懋厥功可特授殿中侍御史右諫議